

Certificado

M^a Pilar Cela Alvarez, secretaria accidental do Concello de Oleiros (A Coruña).-

C E R T I F I C O:

Que na sesión extraordinaria da Xunta de Goberno Local que tivo lugar o día 26 de xuño de 2024, adoptouse o acordo seguinte:

“Punto 6.- Adopción de acordo en orde á concesión de subvención directa, por razón de interese social, á entidade Mercurio de Iñas SD, para o desenvolvemento do Torneo Municipal de Fútbol Concello de Oleiros, ano 2024

“I.- Exposición de motivos

A planificación do deporte municipal en Oleiros ten o seu eixo vertebrador en dúas liñas de actuación que podemos considerar como base na que se fundamenta a política deportiva local. Por unha parte o desenvolvemento de programas propios de actividades físicas e deportivas e por outra parte a xestión de instalacións deportivas que dan soporte ás estruturas dos clubs deportivos. Ambas son unha garantía para consolidar os eidos da formación deportiva, a saúde e a competición tanto a nivel federado como popular.

Sen embargo, existe unha terceira vía que forma parte tamén dos sistemas deportivos no eido local e que son as actuacións que se promoven desde a iniciativa do propio tecido asociativo, fundamentalmente clubs deportivos.

Neste eido, desde hai moitos anos, vense organizando desde o Concello de Oleiros un Torneo Municipal de Fútbol, no cal participan todos os clubs de fútbol modesto do concello.

Para a realización deste torneo, e dadas as dificultades de xestión do mesmo, o concello solicita cada ano a colaboración dun dos clubs de fútbol locais, seguindo unha orde establecida mediante sorteo.

Así, nunha reunión mantida en data do 12 de xuño do 2013 con todos os clubs, acordouse este sistema e efectuouse un sorteo para determinar a orde en que os clubs participantes coordinarían o Torneo, co seguinte resultado:

Ano 2013.- S.C.D.R Dorneda.
Ano 2014.- Unión Campestre de Montrove
Ano 2015.- Club Atlético San Pedro
Ano 2016.- Obrero de Oleiros.
Ano 2017.- Club Atlético Perillo.
Ano 2018.- Club Hércules de San Pedro.
Ano 2019.- Club Marino de Mera.
Ano 2020.- C. F. Sta. Cruz. (por mor do COVID, adíuse a 2022).

Asemade, despois da xuntanza realizada en data de 23 de maio do 2022 entre a concellería de deportes e todos os clubs interesados, acordouse que a Agrupación Deportiva Cristo Rey, se faría cargo do torneo no ano 2023, dado que este club se incorpora por primeira vez no ano 2022. E de igual xeito, o Club Mercurio de Iñas, que tamén se incorpora por primeira vez á competición este ano, faríase cargo no ano 2024.

II.- Antecedentes

1.- A colaboración solicitada adoitaba formalizarse asinando cada ano un convenio de colaboración co equipo correspondente. Así se fixo desde 2011 ata 2019. En 2020 e 2021 no se levou a cabo o torneo, por mor do covid. En 2022 e 2023 a Intervención municipal deu indicacións de tramitalo coma unha subvención directa por interese público e social.

En data 10/05/2024 plantexouse de novo por este servizo a sinatura dun Convenio de colaboración co Club coordinador, dado que ao tratarse dunha actividade de titularidade do Concello no exercicio das súas



competencias, considerábase máis axeitada esta figura xurídica que a subvención directa ao club ao que se pide colaboración.

Dita proposta foi informada desfavorablemente pola Intervención Municipal, que sinala o “*carácter privado desta actividade, e a posición de fomento do Concello*”.

Aínda que esta Concellería ten claro que se trata dunha actividade Municipal, e non privada, este servizo, polo que respecta á tramitación administrativa opta por seguir o criterio do interventor e tramítalo do xeito que se indica polo mesmo -como subvención directa a favor do club coordinador-, coa única finalidade de facilitar a fluída tramitación do expediente.

2.- Á vista do cal, esta concellería emitiu unha providencia en data 29/05/2024 ordenando a incoación dun procedemento de subvención directa e solicitouse da Unidade xurídica se efectúen as comprobacións de que a entidade está ao corrente nas súas obrigas coa AEAT, TGSS e Concello de Oleiros, e que se emita o informe requerido no artigo 88.3 do Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, Xeral de Subvencións.

3.- Posta a situación en coñecemento do club coordinador deste ano, en data 29/05/2024 foi presentada polo Club de Fútbol Mercurio de Iñás S.D. unha solicitude de subvención directa para o a organización do Torneo de Fútbol ano 2024, por importe de 13.458,00 euros.

III.- Circunstancias que xustifican as condicións excepciónais para a concesión da subvención:

a) Interese deportivo.- Trátase dun torneo de pretemporada no que participan todos os equipos de Oleiros antes de empezar a Liga, polo cal é fundamental tanto para os clubs como para os deportistas individuais.

b) Interese social.- debido ao arraigo social do fútbol en todas as parroquias do concello, este Torneo ten un grande seguimento por parte da veciñanza, tanto practicantes como meros espectadores, que disfrutan do espectáculo que supón cada un dos encontros disputados.

c) Singularidades da organización: A organización deste Torneo ten algunhas peculiaridades que fan necesario que a mesma teña que ser asumida por un Club de fútbol, e non directamente polo Concello, e son as seguintes:

- A Federación Galega de Fútbol só tramita as respectivas autorizacións para celebrar o torneo, se as solicitudes proceden dos seus asociados – clubs de fútbol- e por este motivo non tramitaría unha solicitude procedente do concello de Oleiros.

Dita autorización é imprescindible para que esta Federación autorice ao Comité Galego de Árbitros a acudir aos partidos programados no torneo, co conseguinte nomeamento, do equipo árbitros colexiados asignados para a arbitrase de todos os encontros do torneo.

- Por outra banda, unha das exixencias deste Comité é que se lle abone a cada árbitro o importe das arbitaxes antes da celebración dos encontros, polo que o sistema máis operativo é que o propio club organizador se faga cargo directamente deste abono.

Estes son os motivos de que os clubs de fútbol participantes no Torneo se fagan cargo –en alternancia- da organización do mesmo, segundo a orde preestablecida sinalada anteriormente, sendo o beneficiario único da subvención o club ao que corresponde a organización cada ano.

IV.- Fundamentos

1º.- Xunto coa solicitude, a entidade solicitante aportou unha declaración responsable do Presidente referida aos seguintes aspectos:

- ✓ Que a entidade non está incurso en ningún dos supostos de incapacidade ou incompatibilidade.
- ✓ Que está ao corrente nas súas obrigas tributarias e coa Seguridade Social, así como co Concello de Oleiros, e que autoriza ao Concello para solicitar de oficio as consultas necesarias a estas Administracións.
- ✓ Que todo o persoal que por conta da entidade imparte, realiza ou colabora nas actividades que figuran na solicitude de subvención que impliquen contacto habitual con menores cumpre o requisito previsto no artigo 13.5 da Lei Orgánica 1/1996, de 15 de xaneiro, de Protección Xurídica do Menor, de modificación parcial do Código Civil e da Lei de Axuízamento Civil.



2º.- Incorporáronse ao expediente informes da TGSS, da AEAT e da Recadación Municipal, relativos a que dita entidade está ao corrente nas súas obrigas.

Con base nos antecedentes e fundamentos sinalados, PROPONSE á Xunta de Goberno Local:

Primeiro.- Conceder ao club de fútbol MERCURIO DE IÑÁS S.D., con CIF G15432164, unha subvención directa por interese social de 13.458,00 euros en concepto de axuda ao desenvolvemento do Torneo Municipal de Fútbol Concello de Oleiros no ano 2024.

Segundo.- Autorizar e dispoñer un gasto de 13.458,00 euros para a finalidade sinalada.

Terceiro.- As condicións desta subvención son as seguintes:

1.- Importe: 13.458,00 euros, segundo o seguinte desglose:

a) Premios aos equipos participantes: 12.258,00€ (Distribución segundo normativa do torneo)

b) Gastos derivados das arbitraxes dos partidos e do pago do canon federativo para a autorización do torneos: 1.200 €

2.- Aplicación orzamentaria: 81.341.48901. “Deportes. Prom. e fom. Outras transf. a entidades sen fin de lucro”.

3.- Coeficiente de financiamento: 100%.

4.- Compatibilidade: Esta axuda é compatible con outras subvencións, axudas, ingresos ou recursos para a mesma finalidade. O importe da axuda non poderá exceder de tal contía que, illada ou conxuntamente con outras subvencións ou auxilios que perciba o beneficiario doutras entidades tanto públicas como privadas, exceda do importe do gasto realizado.

5.- Pagamento: Efectuarase o pagamento anticipado do 100% da subvención concedida.

O pago anticipado realízase para que o club organizador poda facer fronte aos pagamentos adiantados ou inmediatos que se requiran ao longo do torneo.

6.- Obrigas da entidade subvencionada:

a) Promover a creación dunha comisión coordinadora do torneo, formada por un membro de cada club, e na que o propio **Club Mercurio de Iñás** ocupará a presidencia. A comisión terá a seguinte función: Establecer o calendario de competición do torneo, así como a resolución de posibles trocos de datas que se poideran solicitar durante o mesmo, tanto da categoría masculina como feminina.

b) Facer fronte aos gastos de arbitraje de todos os partidos do torneo.

c) Xestionar coa federación galega de fútbol os correspondentes permisos e trámites administrativos precisos para o funcionamento do torneo.

d) Aboar aos clubs participantes as cantidades correspondentes ao premio que cada club terá por ter participado no torneo, e que son as que se establecen no regulamento do torneo. Este pagamento efectuarase do seguinte xeito:

○ un primeiro pago aos clubs, da cantidade de 765 euros a cada un dos equipos participantes, a cada un dos participantes, con data límite de 15 días despois de que remate o Torneo.

○ un segundo pago aos dous clubs finalistas polo importe da diferenza entre o percibido e o que lles corresponda percibir segundo o Regulamento do Torneo.


e) Publicidade: Facer constar na totalidade da publicidade que realice da actividade subvencionada, por calquera medio, que a mesma conta con subvención do Concello de Oleiros, sinalando o importe e o concepto. A estes efectos, deberá publicitar nas súas redes sociais e/ou páxina web a concesión da subvención, concepto e importe no momento que o coñezan. Asemade, deberá incluír nos elementos sinalizadores na propia realización da proba (carteis, banners, carpas, etc) o logo do Concello de Oleiros.

f) Destinar os fondos percibidos ao obxecto concreto para o cal foron concedidos.

g) Presentar a conta xustificativa no prazo e do xeito que sinala no parágrafo seguinte.

7.- Xustificación:





CONCELLO DE
OLEIROS

a) O prazo de xustificación das axudas será de UN MES contado a partir da data en que se dispute o último partido.

b) A conta xustificativa constará dos seguintes documentos:

- ✓ Informe da clasificación final do torneo.
- ✓ Declaración responsable do Presidente de que os fondos percibidos foron destinados ao obxecto concreto para o cal foron concedidos e de que o importe da axuda non excede de tal contía que, illada ou conxuntamente con outras subvencións ou auxilios que perciba o beneficiario doutras entidades tanto públicas como privadas, exceda do importe do gasto realizado.
- ✓ Declaración doutras axudas concedidas por outras entidades públicas ou privadas, ingresos ou recursos para a mesma finalidade.
- ✓ Acreditación da publicidade feita.- enlace á web e/ou redes sociais onde conste a publicidade e fotografías do evento onde se vexan os elementos publicitarios esixidos.
- ✓ Facturas orixinais ou copias compulsadas xustificativas dos gastos realizados (arbitraxes e taxas federación) e o xustificante de telos aboado.
- ✓ Recibos orixinais ou copias compulsadas xustificativas do pagamento dos premios aos clubs participantes no evento, mediante os que se acredite o uso dos fondos concedidos. Nos recibos deberán constar os seguintes datos: datos completos do pagador (nome, enderezo e CIF), datos completos do perceptor do premio (ídem), importe pagado, concepto (premio en función do posto acadado na clasificación do Torneo, lugar, data e sinatura.
- ✓ Declaración acreditativa de que o persoal ao que corresponda a realización da actividade cumpre o requisito previsto no artigo 13.5 da Lei Orgánica 1/1996, de 15 de xaneiro, de Protección Xurídica do Menor, de modificación parcial do Código Civil e da Lei de Xuizamento Civil.

Cuarto.- O réxime de concesión, xestión, xustificación, control financeiro, infraccións e sancións desta subvención axustarase ao regulado na normativa estatal e autonómica sobre subvencións públicas, así como o regulado ao respecto nas bases de execución do orzamento.

Quinto.- Recoñecer a obriga por importe de 13.458,00 euros a favor da entidade beneficiaria.”

E para que conste expido este certificado de conformidade co que dispón o artigo 204 do R.D. 2568/1986, de 28 de novembro (ROF), de orde e co visto e prace do alcalde e coa advertencia á que fai referencia o artigo 206 do ROF citado e a reserva dos termos que resulten da aprobación da acta; Oleiros, asinado dixitalmente polo alcalde e por min, secretaria accidental, na data que figura na propia sinatura deste documento.-

